

نسخه سی ۱۰ غروشدر

صاحبی، مدیری، محرری



اسلامك نفعنه خادم مقالات  
مع الت شكر قبول ونشر اولونور

يازانك شخصيتي دكل، يازينك اهميتي  
نظردقته آلتير .  
كلن يازيردن شايان قبول كورولنلر  
تارخ صيراسيله درج ايديلير .

# مخمس

۱۳۳۸

دینی، علمی، ادبی، اجتماعی و شمیمیك  
شهری مجموعه در

۱۳۴۱ شواله مخصوص نسخه

عدد : ۳۶

اداره خانه سی : آق سرایده  
ملا کورانی محله سنده مهتر  
سوقاغنده ۳ نومرولوخانه

مرکز توزیعی :

باب عالی جاده سنده ( اتحاد  
تجارت ) کتبخانه سی

آبونه بدلی :

سنه لکی ۱۰۰ غروش  
آلتی آلتی ۵۰

جلد : ۳

## ضمیمات:

مخمس دینی و علمی : بایرام تبریکی و افاده مخصوصه - طاهر المولوی . جمعه غسلی ، جمعه نمازینه  
ایرکن کیتیک ، جمعه وقتی آلیش و یریشک تعطیلی ، وظیفه و جمعه نمازی - طاهر المولوی . علم اساطیر -  
طاهر المولوی . عالم اسلام و عرقلر مسئله سی - سعدی بك .

مخمس ادبی : توحید و تمجید باری - محمد صادق افندی . نعت شریف - توقادی زاده شکیب بك .  
رباعی - شیخ عبدالباقی افندی . غزل - محی الدین رائف بك . آفاقک تنوری و انفسک تحسری - طاهر المولوی .

مخمس تاریخی : جعفر بن ابی طالب - طاهر المولوی . شیخ عثمان شمس افندی حقنده - حسین و صاف بك .  
اسعد دده مرحومه دائر بعض خاطرات - طاهر المولوی .

اهل اسلامك اوراده كى حضور و آسایشی  
چكه مهین میكه مشرکاری، عرب آتی و طائف سختیانی  
کیبی قیمتدار هدیه لری حامله عمر و بن العاص ایله  
دیگر برینی حبشه کونده ردیلر .

عمر و بن العاصك یولدایشی حقهده ایکی مختلف  
روایت وارد . ابن هشام (عبدالله بن ابی ربهه) ،  
(سیره الحلیه) و (سیره النبویه) صاحب لری ایسه  
عمارة بن الولید (ایدی دینوره حتی بوایکیسی، عبدالله  
بن ابی ربهه نك عمر و بن العاص ایله آرقه داشلی بدر  
محاربه سنی متعاقب یاپیلان ایکنیجی بر حبش سفر نده  
اولدیغنی سو بیلور که طوغر و صنی ده بو اولسه کر کدر  
ما بعدی وار طاهر المزلوی

### شیخ عثمان شمس افندی حقهده :

شیخ محترم عثمان شمس افندی حضر تلری  
حقهده یازدیغ مقاله ده « صدر اسبق عالی پاشا ایله  
دیوان هایون قلمنده و بر آره لق بدستانده بولدیغنی »  
ابن الامین محمود کمال بك افندی ن تقلاً بیان ایلمشدم ،  
بو خصوصه دائر معلومات زانده آلق اوزره اخیراً  
میر مشارالیه مراجعتمده بوجه آتی ایضا حاتمه  
بولندی :

« حضرت عزیز ایله عالی پاشا مرحومك دیوان  
قلمنده رفاقت ایتدک لری پاشانك مرجانده کی جامع  
شریفنك الی سنه یه قریب امامت و خطابتنده بولنان  
فضلا ی خطاطیندن و محبان عزیزدن خواجه حسن  
تحسین افندی مرحومدن ایشیدلشدی . کتابخانه  
فقیرانه هنرک مجموعه لر قسمنده (۲۲۳) نومروده  
مقید و بعض صحایفی سر آمدان شعرادن مناسترلی  
فائق بك طرفندن یازدیغنی ملحوظ اولان مجموعه ده  
محرر بعض غزلیاتك بالاسنده کی ( بدستانی عثمان  
نوری) اشارتندن عزیزك بدستانده بولمش اولدیغنی  
استدلال اولمشدی . بوغزل لری شیخ مکرمك

متحیزان مریدانندن و فضیلت مندان امتدن چفته لر  
حازاسی مدیری بیطر میرالایی ابراهیم بك مرحومه  
کوندرمشدم . اشعار عزیز میاننه قید ایتمشدی .  
حضرت شیخك ارتحالندن قرق سنه اول طبع و  
نشر ایدلمش اولان ( تذکره قطین ) ده « عثمان  
نوری افندی سهم قلمنه بر مدت مداومتله مؤخرأ  
طریقت علیة اویسمه یه سلوک ایدرک ۱۲۶۱ ده  
( بزاستانده ) واقع مباحه کتابته تعین قلممشدر ،  
دنیلمشدر . ینه مشارالیه محمود کمال بك افندی  
بیوردیلر که « عزیز مشارالیه ایام صباوتندن بری  
منتسب و محب اولان بر ذات محترمده « افندی ،  
عالی پاشا ایله دیوان قلمنده بولندی . خواجه  
پاشا محله سنده قومشولق ایتدیلر ، پاشا دیوانده ایکن  
افندی مالیه ده ایدی ، باب عالی یه انتساب ایچون  
پاشا تشویق ایدرمش . عزیز حضر تلری بدستانده  
خواجگی اولیوب آرایجی باشلیق خدمتده بولمشدر .  
بر زمان سر که حیده توتونجی دکانی آچمشدر . بر  
بکتماشی درویشی کلوب چوبوغنه توتون طولدر مسنی  
سویله مش ، عزیز ، چوبوغنی طولدر دقدن بشقه  
بر آووج توتونده بخش ایتمش . درویش دکانك  
نه وقت آچیلدیغنی صوروب ایکی اوچ آی اول  
آچیلدیغنی جوانی آلمسیله « دکانی اوچ ایده قاتیرسهك  
ضررله قاتیرسهك . آتی ایده قاتیرسهك سرمایه یی  
توکتیرسهك . برسنه ده دوام ایدرسهك سرمایه ك قدر  
بورجه کیرسهك دیمش . حضرت عزیز فی الحقیقه  
آتی ایده سرمایه یی توکتدك ، بیورمشدی «  
دیمشدی . قدس اه اسراره

بوکی تبعلر ، حقیقتك تجلیسنه و اعظمتك  
قدرینك تقدیرینه خدمت ایدر شیر اوله جنی  
عرفان عالی لیرینه عیاندر . بناء علیه بالمناسبه محفله  
درجی رأی عارفانه لرینه وابسته در . کریم القطر تم  
اقدم . حسین و صافی